

Gerakkan 'kaedah pilihan raya'

UM 21 JUN 2001

KUALA LUMPUR 20 Jun — Datuk Hishammuddin Tun Hussein mengarahkan seluruh ahli Pergerakan Pemuda UMNO menggerakkan "kaedah pilihan raya" dalam tempoh tiga tahun ini bagi memastikan kemenangan Barisan Nasional (BN) pada pilihan raya umum akan datang.

Tegasnya, agenda penambahan ahli, pendaftaran pengundi dan penambahan bilik gerakan pilihan raya di seluruh negara seperti pertimama diminta oleh Presiden parti, Datuk Seri Dr. Mahathir Mohamad akan segera dilaksanakan.

"Kita akan berada dalam kaedah pilihan raya" dan saya menyeru ahli Pemuda bersiap-sedia ke arah itu. Dalam hal ini, saya tidak akan menoleh ke belakang. Saya dan barisan Exco akan memikul tanggungjawab ini dengan ber-sungguh-sungguh," katanya ketika menggulung

perbahasan pada Perhimpunan Agung pergerakan itu di Pusat Dagangan Dunia Putra (PWTC) hari ini.

Menurut Hishammuddin, bagi menjayakan misi itu, Pemuda akan turun ke Likas, Sabah dalam tempoh terdekat ini bagi membantu jentera BN menghadapi pilihan raya kecil di situ.

"Rakan-rakan kita di Sabah jangan gusar. Dengan semangat hari ini, kita akan pastikan kemenangan calon BN di kawasan itu," katanva.

Dalam memperkatakan hal nilihan raya kecil Likas yang perlu diadakan ekoran pembatalan keputusan kerusi pilihan rayanya yang dimenangi oleh calon BN, Datuk Yong Teck Lee pada 1999, Hishammuddin turut membaca serangkap pantun kepada perwakilan Pemuda Sabah:

Jangan dijolok sarang tebu

Madu diminum dalam cawan

Bila UMNO turun ke Sabah

Orang hutan jaga-jagalalah dibuat kawan.

Hishammuddin menegaskan, pergerakan itu juga tidak ada masa untuk melayani sebarang kritikan yang dilemparkan ke atasnya.

Beliau menyedari beberapa bulan lalu Pemuda kerap diserang dan segala yang dibuat serba tidak kena

"Tidak ada sesiapa yang terlepas... Ketua Pemuda, Naib Ketua Pemuda, barisan Exco dan Ketua-ketua Pemuda Bahagian diserang semasa pemilihan bahagian. Pemuda tidak ada masa lagi untuk melayaninya masa ini. Kita dah hadamkannya dengan empat agenda kerja yang akan kita gerakkan nanti, katanya.